

RI RUK'ATAJ RI JESUCRISTO OJER CAN

“Nikanimaj ronojel ri ruchojmilal ri xbanatej chupan ri Nabey K'ataj. Ri' e jare': Ri apostoli', ri profeta'i', ri yuk'une-la', ri Tijonela', ri Nima'k tak Tata'al, y ch'aka' chic” (ri ruvak Ruxe' ri Nimanic).

Ri Jesús xupaba' ri ruk'ataj tok xc'oje' na chuvech re ruvach'ulef. Ri ruk'ataj rubini'an ri *Ruk'ataj ri Jesucristo* y ri vinaki' ri e c'o chupan quibini'an *Chojlaxela'* (tatz'eta' c'a ri 3 Nefi 27:8). Xek'ax el ri juna' y ri Ruk'ataj ri Jesucristo xelesex c'a chuvech re ruvach'ulef. Jari' xa roma ri vinaki' e itzel y rije' xecokotaj el ri e uc'uey bey richin ri K'ataj y xequicamisaj.

Vacami, ri Ruk'ataj ri Jesucristo xya'ox chic pe chuvech re ruvach'ulef. Vacami rubini'an, *Ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij*. Conojel ri oyonic y ri samaj ri xec'oje' chupan ri K'ataj ojer can, e c'o chuka' chupan ri K'ataj vacami.

Tabij chire jun vinek chi tasiq'uij ruvech ri ruvak Ruxe' ri Nimanic. Tasiq'uij c'a ruvech ri Efesios 4:11. Tajunumaj c'a ri mocaj ri' riq'uin ri ruvak Ruxe' ri Nimanic.

CA'I' OXI' RUBANIQUIL RI NIQUIK'ALAJIRISAJ RI RUBANIQUIL RUK'ATAJ RI JESUCRISTO

RI LOK'OLEJ K'ALAJIRISANIC

Tok ri Jesucristo xupaba' ri Ruk'ataj, rija' c'o chuvach'ulef. Can ja rija' ri xuc'uau quibey y ri xetijon quichin ri yukenela' chupan ri K'ataj. Ja ri Tata'ixel xpixaban richin ri Jesucristo. Que c'ari', ri Ruk'ataj ri Jesucristo xyukex roma ri Dios y man coma ta ri achi'a' (tatz'eta' c'a ri Hebreos 1:1-2). Ri Jesucristo xubij chique ri e tzekelbeyon richin chi rija' xtuyec ri Ruk'ataj pa ruvi' ri k'alajirisanic. Ri k'alajirisanic jari' ri ruxe'el ri Ruk'ataj rija' (tatz'eta' c'a ri Mateo 16:16-18).

Tok c'astajinek chic pe ri Jesucristo y manjani tijote' el chicaj, rija' xapon quiq'uin ri ru apostoli' y quere' xubij chique: "Yin in c'o iviq'uin ronojel k'ij, c'a pa ruq'uisibel ri ruvach'ulef" (Mateo 28:20). Rija' can xuben vi ri xubij chiri'. Tok rija' c'o chic chila' chicaj, c'a xeruyukej na ri ru apostoli'. Rija' xutek pe ri Uxlabixel quiq'uin. Ri Uxlabixel xubochi'ij quic'u'x y xuk'alajirisaj ronojel chiquivech (tatz'eta' c'a ri Lucas 12:12 y ri Juan 14:26). Ri Jesús xch'o riq'uin ri Saulo chupan jun tz'etonic (tatz'eta' c'a ri Xquibanala' ri Apostoli' 9:3-6). Xuk'alajirisaj chuveh ri Pedro chi nic'atzin chi rije' niqutzijoj ri utzilej rutzijol chique conojel ri vinaki' chuveh chijun re ruvach'ulef y man xaxeta chique ri judfos (tatz'eta' c'a ri Xquibanala' ri Apostoli' 10). Ri Jesús xeruk'alajirisaj q'uiy jebel tak tijonic chuveh ri Juan. Jare' e tz'ibatel can chupan ri vuj rubini'an Apocolipsis. Ri C'ac'a' Retal Tzij yojrutijoj chi ri Jesús jantape' xuk'alajirisaj ri rurayibal chiquivech ri rutijoxela'. Riq'uin c'ari', rija' xuyukej ri Ruk'ataj y xusakirisaj ri quinojibal ri rutijoxela'.

RI K'ATBEL TZIJ RI PETENEK RIQ'UIN RI DIOS

Vi manek ri aj chicajel uchuk'a', man tiquirel ta chi ri vinaki' niquben ri rubin ri Dios chique, ni ta chuka' richin yetzijox ri más c'atzinel chupan ri utzilej rutzijol. Ri Tata'ixel xuya' re k'atbel tzij re' chire ri Jesucristo (tatz'eta' c'a ri Hebreos 5:4-6). C'ari', ri Jesús xerutek ri ru apostoli' y xuya' ri k'atbel tzij richin ri aj chicajel uchuk'a' chique (tatz'eta' c'a ri Lucas 9:1-2 y chuka' ri Marcos 3:14). Rija' quere' xubij chique rije': "Man rix ta xixcha'on vichin, xa yin xicha'on ivichin y xixintek" (Juan 15:16).

Ri Jesús xuya' jun nimalej samaj chique ri cablajuj ru apostoli', richin queri' ri K'ataj c'o chupan ri ruchojmilal. Ri Jesús xuk'ijuj ruveh ri Pedro richin xoc ri nimalaxel apóstol. Ri Jesús xeruya' ri jakbel richin ri rajavaren chire ri Pedro. Riq'uin ri jakbel ri', ronojel ri nuxim chuvach'ulef, niximitej chila' chicaj chuka' (tatz'eta' c'a ruveh ri Mateo 16:19). Ri Jesús xerutek ch'aka' chic achi'a' y xuya' quisamaj chuka'. Tok ri Jesús xbe yan chila' chicaj, ri vinaki' ri e c'o chupan ri K'ataj c'a xquiben na ri ruchojmilal ri samaj achi'el ri rubanon can rija'. Ch'aka' chic vinaki' xetak riq'uin ri aj chicajel uchuk'a'. Pero rije' xetak xaxe co-

ma ri achi'a' ri quic'ulun chic ri k'atbel tzij. Ri Uxlaxixel xuk'alajirisaj pe chi ri samaj ri' xkaka chuvech ri Jesús (tatz'eta' c'a ri Xquibanala' ri Apostoli' 1:24).

RI RUCHOJMILAL RI K'ATAJ

Ri Ruk'ataj ri Jesucristo xnuc'utej chupan jun utzilej ruchojmilal. Ri K'ataj junan riq'uin jun jay ri can utz vi ri rubaniquil. "Paban c'a pa ruvi' ri rutiquiribel chi je ri apostoli' y ri profeta'i'. Y ri Jesucristo ja rija' ri abej richin ri cajtz'uc'" (Efesios 2:20).

Ri Jesús xerucha' ch'aka' chic achi'a' richin xeto'on chuka' chupan ri lok'olej samaj. Rija' xerutek rusamajela' quibini'an *Oxc'al Lajujlaxela'*. Rija' xerutek el rije' chuch'abalixic ri utzilej rutzijol (tatz'eta' c'a ri Lucas 10:1). Chuka' e c'o ch'aka' chic samajela' chupan ri K'ataj chuka'. Jari' ri Nima'k tak Tata'al, ri yuk'unela', ri Tata'al tak Teuchunela', ri e Runimakul, ri obispo'i', ri Teuchunela', ri Tijonela', y ri To'onela' (tatz'eta' c'a ri tanaj 14 rubini'an "Ri Ruc'o'jlen ri Aj Chicajel Uchuk'a'"). Ri samajela' ri' xquich'abalij ri utzilej rutzijol, xquibanala' ri takbel, y xequitijoj ri vinaki' ri e c'o chupan ri K'ataj. Xequito' ri vinaki' ri e c'o chupan ri K'ataj richin chi conojel junan ta quivech xtiqubien, "roma quiniman y quetaman chic ruvech ri Ruc'ajol ri Dios" (Efesios 4:11-13).

Ri Biblia man nubij ta chike ronojel chirij ri aj chicajel uchuk'a' o ri ruc'o'jlen ri Ruk'ataj ri Jesucristo. Man riq'uin vi ri', ri Biblia nuk'alajirisaj chikavech chi can jebel vi ruc'o'jlen ri Ruk'ataj ri Jesucristo. Xbix chique ri apostoli' chi quebe na chuch'abalixic ri utzilej rutzijol chuvech chijun re ruvach'ulef. Romari', manek modo xecanej can chupan xaxe jun tinamit y xequito' ri vinaki' ri e c'o chupan ri K'ataj chiri'. Roma c'ari', nic'atzin chi xeroyoj pe samajela' ri e c'o chupan ri tinamit ri'. Ri apostoli' xequitek ri ch'aka' chic achi'a' riq'uin ri aj chicajel uchuk'a', y xe'oc quiyuknel. Chuka' xequik'ejela' ri samajela' y xequitz'ibaj vuj y xequitek quiq'uin. Romari', ri C'ac'a' Retal Tzij ruc'uan ri tak vuj ri xequitz'ibaj ri Pablo, ri Pedro, ri Santiago, ri Juan, y ri Júdas. Rije' xequitz'ibaj re vuj re' richin xequitijoj y xequipixabaj ri samajela' ri e c'o chiquipan ri jalajoj tinamit.





Ri C'ac'a' Retal Tzij nuc'ut chikavech chi nic'atzin chi re chojmilal re' xc'oje' jantape' chupan ri K'ataj achi'el ri xu-chojmirisaj ri Jesucristo. Achi'el tok xcom ri Judas, xaxe julajuj apostoli' xecanej can. Ri julajuj apostoli' ri' xquimol qui' chucha'ic jun achin ri xtoc ruq'uexel ri Judas. Chupan ri k'ij ri', ri Jesucristo xbe yan chila' chicaj. Ri Uxlabixel xuk'alajirisaj chiquivech chi ja ri Matías c'o chi noc jun apóstol pa ruq'uexel ri Judas (tatz'eta' c'a ri Xquibanala' ri Apostoli' 1:23-26). Xek'ax ri juna' y jujun chique ri apostoli' xecom o xecamisex. Ri Pablo, ri Bernabé, y ri Santiago (ja rija' ri ruchak' ri Ajaf), xe'oc apostoli' pa quiq'uexel ri xecom. Ri Jesús xuya' can jun rubeyal richin queri' ri cablajuj apostoli' yetiquir niquiyukej ri K'ataj. Yalan k'alaj chi ri Jesucristo nrajo' chi ri ruchojmilal ri ruk'ataj ruya'on can rija' nic'oje' can chuvach'ulef.

RI NABEY RUTIJONIC Y RI RUTAKBAL RI UTZILEJ RUTZIJOL

Ri apostoli' xquich'abalij ri utzilej rutzijol xabacuchi xebe vi. Xequitijoj ri vinaki' chique ri ca'i' nabey tak tijonic richin ri utzilej rutzijol. Jari' ri cukubabel c'u'x riq'uin ri Jesucristo, y ri tzolibel c'u'x. Tok ri vinaki' cukul chic quic'u'x riq'uin ri Jesucristo y tzolijinek chic pe quic'u'x chupan ri quimac, jari' tok xequic'ul pe ri ca'i' nabey takbel richin ri utzilej rutzijol. Jari' ri kasanic chuxe' ya' y ri ruya'ic k'abaj pa ruvi' ri vinek richin niya'ox ri sipanic richin ri Uxlabixel. Je c'are' ri nabey tak rutijonic y ri rutakbal ri utzilej rutzijol. Vi jun vinek xrajo' xoc chupan ri Ruk'ataj ri Jesucristo, janíla c'atzinel chire re nabey tijonic y takbel re'. Ri Jesús quere' xubij chique ri vinaki': "Ri man xtalex riq'uin ya' y riq'uin Uxlabixel, manek utz ta xtoc pa rajavaren ri Dios" (Juan 3:5). Ri kasanic chuxe' ya', y ri sipanic richin ri Uxlabixel, jare' e takbel richin ri colotajic y yalan e c'atzinel chique conojel ri vinaki'.

RI TAKBEL RI YEBANATEJ PA QUIBI' RI CAMINAKI'

Ri Ruk'ataj ri Jesucristo xuya' k'ij chique conojel richin niquic'ul ri utzilej rutzijol, stape' xcac'axaj chupan re c'aslen re' o chupan ri jun chic c'aslen chirij ri camic.

Tok ri Jesucristo caminek chic, rija' xbe quiq'uin ri cuxlabal ri caminaki'. Jari' tok manjani tic'astej pe ri Jesús chi-

quicojol ri caminaki'. Rija' xutiquiriba' ri samaj richin ri ruch'abalixic ri utzilej rutzijol chique ri caminaki'. Rija' xerucha' utzilej tak samajela' y xuya' quik'atbel tzij richin queri' xquich'abalij ri utzilej rutzijol chique ri cuxlabal ri vinaki'. Riq'uin c'ari', c'o modo chi ri vinaki' ri' xquic'ul ri utzilej rutzijol chuka' (tatz'eta' ri 1 Pedro 3:18-20 y ri 4:6. Tatz'eta' c'a chuka' ri Joseph F. Smith—"La Visión de la Redención de los Muertos," chupan ri vuj rubini'an La Perla de Gran Precio). C'ari' ri vinaki' ri e c'o chupan ri K'ataj ri e q'ues, xequiben ri takbel pa quibi' ri caminaki' (tatz'eta' c'a ri 1 Corintios 15:29). Ri kasanic chuxe' ya' y ri takbel riq'uin ri aj chicajel uchuk'a' nic'atzin chi yebanatej vave' chuech re ruvach'ulef.

RI SIPANIC RI E RICHIN RI UXLABEL

Conojel ri utzilej tak vinaki' chupan ri K'ataj ojer can, xya'ox k'ij chique richin xquic'ul ri jalajoj tak sipanic ri e richin ri Uxlabel. Re sipanic re' xeyatej chique ri vinaki' achi'el ri nic'atzin chique chupan ri quisamaj. Jujun chique re sipanic re', ja ri cukubabel c'u'x, ri ruya'ic lok'olej rutzijol, y ri tz'etonic. Chique ch'aka' xya'ox ri cukubabel c'u'x richin xequic'achojirisaj ri yava'i' y chuka' xya'ox chique ch'aka' chic richin xec'achoj rije'. Chupan ri tanaj 22 chupan re vuj re', yek'alajirisex más ri jalajoj tak sipanic ri e richin ri Uxlabel. Ri sipanic richin ri Uxlabel nojel mul e c'o pe chupan ri Ruk'ataj ri Jesucristo (tatz'eta' c'a ri 1 Corintios 12:4-11). Ri Jesús xubij chique ri rutijoxela' chi re retal re' o re sipanic re' ronojel mul e c'o quiq'uin ri e nimayon (tatz'eta' c'a ri Marcos 16:17-18). E q'uiy rutijoxela' ri Jesús xquiben nimalej tak samaj pa rubi' rija' y riq'uin ri ruchuk'a' ri Uxlabixel. Que chuka' ri', xquitzijoj ri xtic'ulvachitej apon y chuka' xquitz'et tz'etonic.

RI RUK'ATAJ RI JESUCRISTO PAN AMERICA

Tok ri Jesucristo c'astajinek chic pe, rija' xbe quiq'uin ri vinaki' ri e c'o pan América. Y rija' xuchojmirisaj ri Ruk'ataj chiquicojol rije' chuka' (tatz'eta' c'a ri 3 Nefi 11-28). C'a c'ari', rija' xel el quiq'uin y xbe chicaj. Juba' ruvi' che 200 juna' choj xebiyin ri vinaki' ri' chuech ri Ajaf y janila xequicot (tatz'eta' c'a ri 4 Nefi 16).

¿Achique rubaniquil ri Ruk'ataj ri Jesucristo? ¿Achique tijonic e ruc'uan?
 ¿La e c'o re tijonic re' chupan jun chic k'ataj?

RI SACHIBEL RI XBANATEJ CHUPAN RI RUK'ATAJ RI JESUCRISTO

Ri itzel tak achi'a' benek ruvech quitijon quik'ij richin ni-quiyoy ri rusamaj ri Dios. Queri' xquiben tok ri apostoli' c'a e c'o na chuvach'ulef y yetajin chuc'uaxic rubey ri K'ataj. Ch'aka' xquich'abalij ri itzel tak nimanic richin ojer. Ch'aka' xquich'abalij ri tijonic quichin ri judíos pa quiq'uexel ri jebel tak rutijonic ri Jesús. E c'o ch'aka' chic ri xecokotaj el ri vinaki' ri e c'o chupan ri K'ataj. Xecamisex ca'i' oxl' chic apostoli'. Ri apostoli' ri xec'ase' can man xetiquir ta xquimol qui' chiquicha'ic ch'aka' chic achi'a' pa quiq'uexel ri xecom. Jari' xa roma janíla xe'okotex. Tok xecom conojel ri apostoli', ri achi'a' ri e tijon can coma rije', richin yequiyukej ri tak tzobaj, je rije' ri xecanej can chuc'uaxic rubey ri k'ataj. Ri tz'aket ruchojmilal ri K'ataj xq'uis, y xbanatej jun sachibel. Xe'oc itzel tak tijonic chupan ri ruk'ataj ri Dios. Y cha'nin xvuluvu' ri K'ataj. Ri k'ij tok manek chic ri kitzij ruk'ataj ri Ajaf chuvach'ulef rubini'an ri *Nimalej Sachibel*.

Ri vinaki' ri xquibila' chi e richin ri Cristo xa xequichop runimaxic ri e jalon tak tijonic. Ri k'atoy tzij chupan ri tinamit Roma xerunimaj ri e jalon tijonic ri' y xutz'uc chic c'ac'a' k'ataj y y xubij chi xa richin ri Cristo. Man riq'uin vi ri', ri k'ataj ri' man junan ta riq'uin ri kitzij k'ataj ri xuben can ri Jesús. Ri vinaki' ri e c'o chupan ri c'ac'a' k'ataj ri' xquinimaj chi ri Dios manek jun ruch'acul y manek jun rubaniquil. Ri vinaki' ri' man xk'ax ta chic chiquivech ri nimalej rajovabal ri Dios. Chuka' man quetaman ta chic chi roj oj ralc'ual ri Dios. Man quetaman ta chic achique roma oj c'o vave' chuvech re ruvach'ulef. Ri k'alajirisanic y ri aj chicajel uchuk'a' man e c'o ta chic chuvach'ulef. Romari', xejalatej e q'uiy tak takbel richin ri colotajic.

Ri k'atoy tzij richin ri Roma ja rija' xcha'on quichin ri yuke-nela' chupan ri k'ataj. Ri quibi' ri samajela' xuya' rija' junan quiq'uin ri quibi' ri kitzij tak samajela' chupan can ri Ruk'ataj ri Jesucristo. Ri samajela' chupan ri k'ataj ri' xquich'ec beyomal y ri vinaki' xquiya' quik'ij. Ri samajela' ri', quibini'an obispos y arzobispos, xquichapala' qui' chiquivech richin niquil más cuchuk'a'. Manek chic apostoli' ri quic'uan ri aj chicajel uchuk'a'. Manjun achin ri c'o ri aj

chicajel uchuk'a' riq'uin. Manek chic chuka' ri sipanic ri e richin ri Uxlabel. Ri profeta rubini'an Isaías xutz'et chi c'o chi xtic'ulvachitej re'. Quere' c'a xubij rija': Ri ruvach'ulef xa etzelan chuka' coma ri vinaki' ri e c'o chuvech. Roma rije' xquik'ej ri pixa', y xquijel ri takbel, y xquik'ej ri jumul c'ulanen tzij (Isaías 24:5). Ri c'ac'a' k'ataj ri' man ja ta ri' ri Ruk'ataj ri Jesucristo. Xa jari' jun quik'ataj ri achi'a'. Jalatajinek chuka' ri rubi' ri k'ataj. Chupan ri ruvach'ulef rubini'an América, xsach ri kitzij chuka' (tatz'eta' c'a ri 4 Nefi).

¿Achique nibec'ulun vi chikavech ri sachibel richin ri kitzij?

Tac'utuj chire jun vinek chi tutzijoj pe achique modo xsachatej ri kitzij.

¿Achique camí ri retal ri sachibel ri'?

XYA'OX RUTZIJOL CHI XTIYA'OX CHIC PE JUN BEY RI KITZIJ RUK'ATAJ RI JESUCRISTO

Ri Dios retaman chic chi re sachibel re' c'o chi xtic'ulvachitej. Romari' rija' xunuc' jun rubeyal richin xtuya' chic pe jun bey Ruk'ataj chuvach'ulef. Ri apóstol rubini'an Pedro quere' xubij chique ri judíos: "Y xtutek c'a pe ri Jesucristo, ri tzijon chic chive: Ri achique nic'atzin na vi chi nic'oje' na chupan ri caj, c'a chupan ri k'ij tok xtiya'ox chic pe ronojel, ri can ojer ch'ovinek pe Dios pa quichi' ri e rulok'olej tak profeta'i'" (ri Xquibanala' ri Apostoli' 3:20-21).

Ri Juan ri K'alajirisanel chuka' xutz'et ri k'ij tok xtiyatej pe chic jun bey ronojel chuvech re ruvach'ulef. Quere' xubij rija': "Y xintz'et chic jun ángel ri nibiyaj pa nic'aj caj, ru-c'uan ri utzilej rutzijol jumul richin nuk'alajirisaj chique ri e c'ojel chuvech ri ruvach'ulef, y chire ronojel vinek y ijatzul y ch'abel y tinamit'" (Apocalipsis 14:6).

Tasiq'uij ruvech ri Daniel 2:44-45. ¿Achique xutz'et ri Daniel? Tak'alajirisaj chiquivech ri ch'aka' chic vinaki' chi ri K'ataj jari' ri abej ri nitzijox chupan ri mocaj ri'. Tabixaj c'a ri bix rubini'an "Chila' Pa Jun Juyu'."

CH'AKA' CHIC MOCAJ RI UTZ YE'ANIC'OJ

Efesos 2:19 (ri vinek ri e c'o chupan ri K'ataj quibini'an Chojlaxela')

1 Corintios 12:12-31 (ri K'ataj nijunumex riq'uin jun tz'aket ch'aculaj)

Hebros 11:6 (nic'atzin ri cukubabel c'u'x)

Lucas 10:1 y ri Hechos 14:23 y ri Tito 1:7 y ri 1 Timoteo 2:7 (nitzijox achique ri samajela' chupan ri K'ataj)

Juan 8:26-29 (Ri Tata'ixel nuyukej ri Jesús)

Lucas 9:1 y ri Santiago 1:17 y 5:14-15 (ri sipanic ri e richin ri Uxlabel)

2 Pedro 2:1 y ri Mateo 24:9-12 y ri Juan 16:1-3 y ri Amós 8:11 y 2 Tesalonicences 2:3-4 (niya'ox rutzijol chirij ri sachibel richin ri kitzij)

Daniel 2:44-45 y ri Mateo 24:14 y ri Micah 4:1 y ri Isaías 2:2-4 (niya'ox rutzijol richin xtiya'ox ri kitzij chic jun bey chuvach'ulef)

RI RUK'ATAJ RI JESUCRISTO VACAMI

Tok ri Jesucristo xc'oje' chuech re ruvach'ulef, rija' xu-chojmirisaj jun k'ataj. Xaxe ri' ri kitzij k'ataj. Xuben ri ru-k'ataj richin xquetijox na ronojel ri vinaki' chire ri utzilej rutzijol. Riq'uin c'ari', c'o chuka' modo richin yebanatej chi utzil ri takbel richin ri utzilej rutzijol. Riq'uin ri k'ataj ri', ri Cristo xtiquir xtuq'uen pe ri colotajic chique conojel ri vinaki'.

Tok ri Colonel caminek chic, ri vinaki' xequijel ri takbel y ri tijonic ri rubanon pe ri Cristo quiq'uin ri ru apostoli'. Xsach el ri kitzij, y romari', ri Dios man xuk'alajirisaj ta chic pe ri rurayibal chiquivech ri vinaki'. Ri kitzij k'ataj richin ri Jesucristo man xc'oje' ta chic chuech re ruvach'ulef. Ri achi'-a' xequibanala' jalajoj ruvech k'ataj ri can e quichin rije'. Ronojel tak k'ataj xquibij chi xaxe rije' ri e kitzij. Man ri-q'uin vi ri', xa man junan ta ri quitijonic. Xuben janíla sachibel c'u'x y c'axinic chirij ri runimaxic ri Dios. Ri Ajaf retaman chic chi queri' xbec'ulvachitej. Quere' c'a xubij rija': "Xtic'ulvachitej jun vayijal chupan re ruvach'ulef. Man ja ta ri' jun vayijal richin vey ni man ch'aki'j chi'ij ta richin ya'. Xa richin rac'axaxic ri ruch'abel ri Dios. . .xtiquicanoj . . .ri ruch'abel ri Dios, y xa man xtiquil ta" (Amós 8:11,12).

¿Achique nana' tok manek avay, y manek aya'?

Tasiq'uij c'a ruvech ri Amós 8:11-12.

¿Achique c'a cami rubaniquil ri vayijal ri nitzijox chupan re mocaj re'? Tajunumaj c'a ri vayijal ri' quiq'uin ri k'ij tok manek ri kitzij Ruk'ataj ri Jesucristo chuvach'ulef.

RI AJAF XUBIJ CAN CHI NUYA' PE CHIC JUN BEY RI RUK'ATAJ CHUVACH'ULEF

Ri Ajaf xubij can chi nuya' pe chic jun mul ri ruk'ataj chuvach'ulef chupan ri ruq'uisibel tak k'ij. Quere' c'a xubij:


Yin xtinbebana' jun nimalej samaj chiquicojol re vinaki' re', ja', jun nimalej samaj y jun meyebel (Isafas 29:14).

Q'uiy juna' ri vinaki' e c'o pa k'eku'm. Xek'ax c'a 1700 juna' chirij pe ri rucamic ri Ajaf. C'a c'ari', ri vinaki' xquichapala' chic rucanoxic ri kitzij. Xquirayij xquetamaj chirij ri Dios y achique ri ruk'ataj rija'. Ch'aka' vinaki' quetaman chi ri utzilej rutzijol richin ri Jesucristo man c'o ta chic chuvach'ulef. Ch'aka' chic vinaki' xquinabej chi ri Dios man chic nuk'alajirisaj ri rurayibal chiquivech. Ch'aka' chic xquinabej chi ri kitzij ruk'atbel tzij ri Dios man c'o ta chic chuvech re ruvach'ulef. Rije' xquitz'et chi ri k'ataj runuc'un can ri Jesucristo man chic c'o chuvech re ruvach'ulef chuka'. C'arunaj xapon ri k'ij chi xtiya'ox pe chic jun bey ri kitzij Ruk'ataj ri Jesucristo. Xnakajun pe chuvech ri Ajaf richin xuben ta "jun nimalej samaj y jun meyebel". Rija' c'o chi xuya' chic pe jun bey ri Ruk'ataj.

Tasiq'uij c'a ruvech ri Isafas 29:14. ¿Achique cami ri nimalej samaj ri nutzijoj ri Isafas?

C'AC'A' K'ALAJIRISANIC PETENEK RIQ'UIN RI DIOS

Chupan ri juna' 1820, xc'ulvachitej ri achique janíla c'atzi-nel chique checonojel vinaki'. Xapon c'a ri k'ij richin ri jun nimalej samaj y meyebel ri rutzijon can ri Ajaf. Chupan ri juna' ri', c'o jun ala' rubini'an José Smith. Y rija' xurayij xretamaj achique ri kitzij k'ataj richin ri Jesucristo. Xbe pa jun q'uechelaj chunakaj ri rachoch y xuc'utuj chi utzil chire ri Tata'ixel achique chique ri k'ataj ri utz noc rija' chupan. Janíla jebel ri xc'ulvachitej pa ri jun nimak'a' ri'. Ri Chicajel Katata' y ri Jesucristo xquic'ut qui' chuvech ri José Smith. Ri Ajaf xubij chire ri José chi man toc chupan manjun chique ri k'ataj. Jare' roma ri kitzij k'ataj man c'o ta chuvech re ruvach'ulef. Xubij chuka' chi ri tijonic quichin ri k'ataj ri e c'o chupan ri k'ij ri' xa e "jun nimalej etzelal chuvech rija'" (tatz'eta' c'a ri José Smith 2:7-20). Riq'uin re jun c'ulvachitajic re', ri Dios xutiquiriba' jun bey chic ruk'alajirisaxic ri rurayibal chiquivech ri vinaki' chuvach'ulef. Ri Ajaf xucha' jun ru profeta jun bey chic. Nitiquir pe chupan ri k'ij ri', c'a chupan re k'ij vacami, man tz'apel ta ri caj. Ri Dios c'a nuk'alajirisaj na ri rurayibal chiquivech ri profeta'i' ri e rucha'on pe rija'. Ri José Smith ja rija' ri profeta ri xto'on chuya'ic pe chic jun bey ri utzilej rutzijol richin ri Jesucristo chuvech re ruvach'ulef.



Tac'utuj chire jun chic vinek chi tusing'uij na ruvech ri José Smith 2:7-21. C'o chuka' modo richin nutzijoj ri xubanala' ri José Smith.
Tabixaj c'a ri bix rubini'an "Can Jebel vi ri Nimak'a'."

NIYA'OX PE CHIC JUN MUL RI RUK'ATBEL TZIJ RI DIOS

Tok xya'ox chic pe jun mul ri utzilej rutzilol, chuka' xya'ox ri aj chicajel uchuk'a' chic jun bey chique ri achi'a' ri e c'o chuvech re ruvach'ulef. Chupan ri juna' 1829 ri Juan el Bautista xapon quiq'uin ri José Smith y ri Oliver Cowdery. Xerutek rije' chupan ri Aj Chicajel Uchuk'a' richin ri Aarón (tatz'eta' c'a ri DyC 13 y chuka' ri 27:8). C'a c'ari', ri Pedro, ri Santiago, y ri Juan xe'apon quiq'uin ri José y ri Oliver chuya'ic chique rije' ri Aj Chicajel Uchuk'a' richin ri Melquisedec y chuka' ri jakbel richin ri rajavaren (tatz'eta' c'a ri DyC 27:12-13). Ri Pedro, ri Santiago, y ri Juan, jec'a rije' ri Nabey Vi'xalonic (Primera Presidencia) richin ri K'ataj ojer can. C'a c'ari', ri Moisés, ri Elías, y ri Elías ri profeta xquiya' pe chic ch'aka' chic jakbel richin ri aj chicajel uchuk'a'. Ri achi'a' ri e takon pe chicaj (tatz'eta' c'a ri DyC 110:11-16). Roma ri Tzolijitajic, ri aj chicajel uchuk'a' c'o chic pe chuvach'ulef. Ri achi'a' ri e uc'uayon richin ri aj chicajel uchuk'a' vacami, c'o c'a quik'atbel tzij richin niquben ri takbel. C'o c'a modo richin yequikasaj ri vinaki' chuxe' ri ya'. C'o c'a chuka' cuchuk'a' richin niquic'uaaj rubey ri samaj richin ri rajavaren ri Dios chuvech re ruvach'ulef.

Tac'utuj chire jun vinek chi tutzijoj chirij ri tok xya'ox pe chic ri aj chicajel uchuk'a' chuvach'ulef. Utz vi nutzijoj ri tzolijitajic richin ri Aj Chicajel Uchuk'a' richin ri Aarón y chuka' ri tzolijitajic richin ri Aj Chicajel Uchuk'a' richin ri Melquisedec. Utz chuka' vi nubij achique roma nic'atzin ri tzolijitajic richin ri aj chicajel uchuk'a'.

XNUC'UTEJ PE CHIC JUN BEY RI RUK'ATAJ RI CRISTO

Chupan ri k'ij 6 richin ri abril chupan ri juna' 1830, ri Ajaf xuben chi xnuc'utej jun bey chic ri ruk'ataj chuvech re ruvach'ulef (tatz'eta' c'a ri DyC 20:1). Ri ruk'ataj rija' rubini'an ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij (tatz'eta' c'a ri DyC 115:4). Ri Cristo c'o pa rivi' ri ruk'ataj vacami achi'el ri xuben can ojer. Ri Ajaf xubij chi can xaxe vi re' ri c'aslic y kitzij k'ataj chuvech chijun re ruvach'ulef, achojiq'uin janíla niquicot rija' (DyC 1:30).

Ri José Smith xoc ri profeta y ri "nabey runimakul" chupan ri K'ataj (tatz'eta' c'a ri DyC 20:2-4). Xk'ax can ri juna' y c'ari' xnuc'utej pe ri Nabey Vi'xalonic (Primera Presidencia), y ri José Smith xoc ri Vi'xal. Tok ri K'ataj c'a ri' ninuc'utej pe, manjani' tuc'uaj ronojel ri rubaniquil. Tok xk'ax ri juna', c'ari' xtz'aket ri rubaniquil ri K'ataj.

Xban ri k'ataj junan ri rubaniquil riq'uin ri Ruk'ataj ri Jesucristo ojer can. Ri oyonic y ri samajela' ri e c'o chupan e junan chuka'. Chupan ri ojer Ruk'ataj ri Jesucristo e c'o apostoli', profeta'i', Oxc'al Lajujlaxela' (setenta), Nima'k tak Tata'al (patriarcas), yuk'unela' (oficiales), Tata'al Teuchanela' (sumo sacerdotes), e Runimakul (élderes), obispo'i', Teuchunela' (presbíteros), Tijonela' (maestros), y To'onela' (diáconos). Re samaj re' e c'o chupan ri Ruk'ataj vacami chuka' (tatz'eta' c'a ri ruvak Ruxe' ri Nimanic).

Jun profeta ruc'uan rubey ri K'ataj vacami. Ri profeta niyukex roma ri Ajaf. Ri profeta ja rija' ri ruvi'xal ri K'ataj chuka'. Rija' ruc'uan ronojel ri k'atbel tzij ri nic'atzin richin nuc'uaj rubey ri samaj chupan ri K'ataj (tatz'eta' c'a ri DyC 107:65,91). Ca'i' pixabanela' niquito' ri profeta. E c'o cablajuj apostoli' chupan ri K'ataj. Rije' yek'alajirisan chirij ri Jesucristo. Rije' niquich'abalij ri utzilej rutzijol chuvech chijun re ruvach'ulef. E c'o chuka' ch'aka' chic samajela' chupan ri K'ataj. Ri Nima'k Tata'al, ri Nabey Obispo'il, y ri Nabey Achibilanic quichin ri Oxc'al Lajujlaxela' c'o quisa-maj ri yalan c'atzinel.

Ri samaj ri e ruc'uan ri aj chicajel uchuk'a' chupan ri k'ataj e jare': apostoli', Nima'k tak Tata'al, Tata'al Teuchunela', Oxc'al Lajujlaxela', e Runimakul, Teuchunela', Tijonela', y To'onela'. Conojel re samaj re' xec'oje' chuka' chupan ri Ruk'ataj ri Jesucristo ojer.

Ri K'ataj yalan nimirinek vacami. Nic'o ruvi' nim chuvech ri K'ataj chupan ri k'ij richin ri Cristo. Vacami ri Ajaf ruk'alajirisan pe chi yec'atzin ch'aka' chic ramaj chire ri rubaniquil re K'ataj roma can nimirinek vi. Tok ri K'ataj tz'aket rubaniquil chupan jun c'oijlibel, niban jun *Ruxatat K'ataj* (estaca). Ri Ruxatat K'ataj c'o jun ruvi'xal. Rija' quiq'uin ca'i' rupixabanela' e c'o pa ruvi' ri Ruxatat K'ataj. E c'o chuka' cablajuj nimalej tak pixabanela' chupan jun Ruxatat K'ataj. Rije' niquic'uaj rubey ri rubanobal ri K'ataj chupan ri Ru-

xatat K'ataj. E c'o chuka' achibilanic quichin ri e u'cuayon richin ri Aj Chicajel Uchuk'a' richin ri Melquisedec. Ri vi-xal richin ri Ruxatat K'ataj c'o pa quivi' ri achibilanic ri' (tatz'eta' c'a ri tanaj 14 chupan re vuj re'. Jari' rubini'an "Ri Ruc'ojlen ri Aj Chicajel Uchuk'a'"). Jun Ruxatat K'ataj e ruc'uan ri *To'onel Xatat* (barrios). Jun opisbo quiq'uin ca'i' rupixabanela' e c'o pa ruvi' jun To'onel Xatat. E c'o tinamit chuka' acuchi man can ta nim ri K'ataj, xa c'ari' nitiquir pe ri k'ataj chiri'. Chupan ri tinamit ri', e c'o tak *Ruxe'el K'ataj* (misiones). Chupan jun *Ruxe'el K'ataj* e c'o ri *Ruche'el K'ataj* (distritos), ri *Ruk'a' K'ataj* (ramas), ri *Ch'uti'n Ruk'a' K'ataj* (ramas pequeñas), ri *Tzobaj* (grupos), y ri familias.

Tasiq'uij ruvech ri xuk'alajirisaj ri José Smith chupan ri rutiquiribel ri tanaj 20 richin ri *Doctrinas y Convenios*.

RI NABEY TAK RUPALIBEL Y RUTAKBAL XETZOLIX CHIC PE

Ri Ruk'ataj ri Jesucristo vacami nuk'alajirisaj ri rupalibel tijonic junan achi'el ri xuk'alajirisaj chuka' ri ruk'ataj rija' ojer. Chuka' yeruben ri takbel junan quiq'uin ri takbel ri xeban chupan ri k'ij tok ri Jesús xc'oje' chuvach'ulef. Ri nabey tak rupalibel y rutakbal ri utzilej rutzijol e jare': ri cukubabel c'u'x riq'uin ri Ajaf Jesucristo, ri tzolibel c'u'x chupan ri mac, ri kasanic chuxe' ya' richin yecuyutej ri mac, y ri ruya'ic k'abaj pa ruvi' jolomaj richin niya'ox ri rusipanic ri Uxlabixel. Tok ri K'ataj xtzolix chic chuvach'ulef, re jebel tak tijonic re' xetzolix pe chic chuka' y can e tz'aket vi. Riq'uin ri rusipanic y ri ruchuk'a' ri Dios, ri José Smith xuk'axaj ri Vuj richin ri Mormon pa ruch'abel rija'. Re vuj re' ruc'uan jebel tak tijonic richin ri utzilej rutzijol. Ri Ajaf xeruk'alajirisaj pe ch'aka' chic tijonic ri yalan e c'atzinel chike. Re tijonic re' e tz'ibatel can chupan ri vuj rubini'an Ri *Ruxe'el Tijonic* y ri *C'ulanen Tzij* (*Las Doctrinas y Convenios*). Chuka' e tz'ibatel can chupan ri vuj rubini'an ri *Jebelilej Abej* ri *Nim Rajel* (*La Perla de Gran Precio*) (tatz'eta' ri tanaj 10 chupan re vuj re' rubini'an ri "Lok'olej Tz'ibanic").

Tasiq'uij c'a ruvech ri rucaj *Ruxe'* ri *Nimanic*. Tatzijoj juba' ri achique nibec'ulun chique ri vinaki' ri e c'o chupan ri K'ataj.

CH'AKA' CHIC TIJONIC RI XEYATEJ CHIC PE CHUKA'

E c'o ch'aka' chic tijonic ri xesach coma ri itzel tak vinaki' chuvech re ruvach'ulef. Re tijonic re' man xc'oje' ta chic chuvach'ulef tok rubanon. Man riq'uin vi ri', ri c'atzinel tijonic ri' yek'alajirisex vacami chupan ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij. Jare' ri tijonic ri':

1. Ri Chicajel Katata' rija' jun vinek ri c'o jun ruch'acul richin bakil y tiojil.
2. Roj xojc'oje' chupan jun chic c'aslen tok manjani kojalex pe chuvach'ulef. Chiri' oj uxlabel y oj ralc'ual ri Dios.
3. Ri aj chicajel uchuk'a' yalan nic'atzin chubanic ri takbel richin ri utzilej rutzijol.
4. Ri vinaki' xtibequila' ri ruc'ayeval xa roma ri quimac y man roma ta ri rumac ri Adán.
5. Ri kasanic chuxe' ya' man nic'atzin ta chique ri tak ac'uala', xaxe c'a tok vakxaki' quijuna'.
6. E c'o oxi' ruvech c'oylemal chupan ri caj. Ri vinaki' nibeya' chique según ri quibanobal, stape' vi e utz o man e utz ta.
7. C'o modo chi ri familia e c'o junan benek ruvech. Jare' tiquirel roma ri aj chicajel uchuk'a'.
8. C'o modo chi ri takbel richin ri lok'olej nimajay richin ri Ajaf yebanatej coma ri vinaki' ri e q'ues y chuka' pa quibi' ri e caminek chic.

RI RUK'ATAJ RI JESUCRISTO MANJUN BEY XTIYOJTEJ

Ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij xtiquir pe chupan ri juna' 1830. E jañila chi vinek oquinek pe chupan. E c'o vinaki' chupan ri K'ataj chuvech chijun re ruvach'ulef, chupan ri q'uiy tak tinamit. Ri K'ataj c'a xtinimer na. Quere' c'a xubij ri Ajaf: Re Utzilej Rutzijol richin ri Ajavaren xtich'abalix chuvech chijun re ruvach'ulef, richin nik'alajirisan chiquivech ronojel

tinamit (José Smith 1:31). Re K'ataj re' man xtelese ta chic el chuech re ruvach'ulef. Ri rusamaj ri K'ataj ja richin nuq'uen pe ri kitzij quiq'uin checonojel ri vinaki'. Ojer can quere' xubij ri Ajaf: "Yin xtinyec jun ajavaren ri man-jun bey xtiyojtej. Y ri ajavaren man xtiya'ox ta can pa quik'a' jun chic vinek. . .y xtipa'e' na c'a jumul" (Daniel 2:44).

Tasiq'uij ruvech ri DyC 84:76. ¿Achique xtaben rat richin xtaq'uiraj ri rajavaren ri Dios chuech re ruvach'ulef?

CH'AKA' CHIC MOCAJ RI UTZ YE'ANIC'OJ

Apocolipsis 14:6 y ri Daniel 2:44-45 y ri Isaías 2:2-4 y ri 2 Nefi 3:6-15 (nitzijox ri tzolijitajic)

DyC 110 y DyC 128:19-21 y DyC 133:36-39, 57-58 (ri rutzolijitajic ri utzilej rutzijol)

Efesios 2:20 (ri Jesucristo ja rija' ri cajtz'uc abej richin ri K'ataj)

DyC 20:38-67 (ri quisamaj ri samajela' chupan ri K'ataj)

Mateo 24:14 (xtich'abalix ri utzilej rutzijol chique checonojel ri tinamit)

DyC 84:76 (ri samaj richin ri ruch'abalixic ri utzilej rutzijol)